

Yeshua: e Bida di Dios!!!

Awor Felipe a **buska i haña** Natanaèl i a bis'é: "Nos a haña **Esun** di **Kende Moisés** a skirbi den e **Lei** i di **Kende e Profetanan** tambe a skirbi. Ta **Hesus di Nazarèt**, yu di Hosé." (**Juan 1:45**).

Yeshua; Hesus di Nazarèt: e Lei di Dios Tata!!!

E ora ei **SEÑOR Dios** a forma **hende** di **e stòf di tera** i a supla e **Rosea di Bida** den su nanishi; i **hende** a bira un **ser bibu**. (**Génesis 2:7**).

Yeshua; Hesus di Nazarèt: di Kende e Profetanan di Dios Tata tambe a skirbi!!!

E ora ei e muhénan a bisa Noemí: "**Bendishoná** sea **SEÑOR**, Kende no a lagabo sin **un Redentor** awe; i ku su **Nòmber** bira **Famoso** na **Israel**. Ku e lo ta pa bo tambe **un Restoradó di Bida** i **un Sostenedó di bo biehes**; pasobra bo nuera, kende ta **Stimabo** i ta **mihó** pa bo ku **shete yu hòmber**, a duna lus na djé." (**Ruth 4:14-15**).

Ta kon Felipe por bisa: "Nos a haña **Esun** di **Kende Moisés** a skirbi den e **Lei** i di **Kende e Profetanan** tambe a skirbi. Ta **Hesus di Nazarèt**, yu di Hosé."

Felipe por bisa esaki pasobra:

Hesus di Nazarèt ta e Rosea di Bida.

Hesus di Nazarèt ta nos Redentor.

Hesus di Nazarèt Su Nòmber a bira Famoso na Israel.

Hesus di Nazarèt ta un Restoradó di Bida.

Hesus di Nazarèt ta un Sostenedó di bo biehes.

Hesus di Nazarèt ta Stimabo i ta mihó shete yu hòmber.

Hesus di Nazarèt ta e Lei di Dios Tata.

6 yanüari 2019

Sea Bendishoná ku e Amor di Dios Tata; Yeshua Mesias

Rev. Remsly L Riley